

The Mizoram Gazette

EXTRA ORDINARY **Published by Authority**

RNI No. 27009/1973 Postal Regn. No. NE-313(MZ) 2006-2008

Re. 1/- per page

VOL - XLII Aizawl, Thursday 28.2.2013

Phalguna 9, S.E. 1934,

Issue No. 100

NOTIFICATION

No.B. 14016/30/11-LAD/VC, the 26th February, 2013. Lushai Hills District (Village Councils) Act, 1953, Section 2(20) in a sawi angin Mizoram Governor chuan Aizawl District huam chhung a awm Sihphir Village Council Boundary chu Annexure a mi ang hian a siam a.

Hei hian tunhma lam a Sihphir Village Council tana Boundary lo siam tawh te chu a thlak a ni.

C. Lalthankhuma,

Secretary to the Govt. of Mizoram, Local Administration Department.

SIHPHIR VILLAGE COUNCIL BOUNDARY

Aizawl - Silchar road Sakawrhmuituai tlanga Hliappui chawlhbuk thlen hma chiah kawngpui sir thlang lama kawr ruam hnar kin leh pialtlep chu Starting Point a hmangin, chuta tangin chhuah lamah kawr zawh thla zelin Kawrbel lui a fin a. He Kawr ruam leh Kawrbel lui infinna atang hian chhim lam hawia Kawrbel lui hnar lam zawh chho zelin, Sathingzar lui a man chho a. Sathingzar lui chu khawthlang lam hawi zawngin a hnar kin thleng a zawh chhuak a. Aizawl - Silchar road chu Sihphir leh Sihphir Venghlun inrina Govt. Middle School hmar lam hretah a tan tlang a. Chhim thlang lama kal zelin kawn ah a in bang liam a. Chuta tangin pumpelh kawng a man thla a. Pumpelh kawng hi khawthlang hawi a zawhin Aizawl - Silchar lamlian hlui a man a. Lamlian hlui hi hmar lam hawia zawh pheiin Phunglui hnar a man a. Phunglui chu khawthlang lam hawiin a zawh chhuk leh a. Phungluiin Chhimluang lui a finna atangin Chhimluang lui thui tak a zawh leh hnuin Mualkhang kawng hlui a zawh chho leh a, Chawilung kawnah tan liamin Ngawisuarah Durlui a man a. Durlui chu khawchhak lam hawia tawite zawh chho lehin, Rochana kurung chhak lawkah Khuailui in a rawn fin a. Chuta tangin Khuailui hi a chhim lam peng zawkah zawh chho lehin Sakawrhmuituai tlang chhip sang lai ber pahnih inkar lai tak kawnah inbang liamin chhim lam hawi hret a chhuk thla zelin electric banpui a man a. Chuta tangin Quarry tan tlanga chhuk thla leh in Aizawl - Silchar kawngpui sir a Starting Point a man leh a ni.

Ex-73/2013 - 2 -